



藝文卷九

藝文一詩

五古

過石明



唐駱賓王

層巖遠接天絕頂上棲烟松低輕蓋偃藤細弱鈎懸石明
掛鏡苔分似列錢暫策為龍杖何處得神仙舊志

石壕吏

杜甫

著投石壕村有吏夜捉人老翁踰牆走老婦出看門吏呼
一何怒婦啼一何苦聽婦前致詞三男鄴城戍一男附書

207/1302/05

至二男新戰死存者且偷生死者長已矣室中更無人惟
有乳下孫孫有母未去出入無完裳老嫗力雖衰遠從吏
夜歸急應河陽役猶得備晨炊夜久語聲絕如聞泣幽咽
天明登前途獨與老翁別

少陵全集

辨熊耳

宋邵雍

昔禹別九州導洛自熊耳熊耳自有兩未知孰為是東者
近成周西者隔丹水書傳稱上洛斯言得之矣

李壞集

會盟臺

明張商珍

連城欺趙壁辭完國亦破壯哉五步血染成抗卒獨趙師

秦且強辭貴城何賤回首望楚坑秦人惟亦怒舊志

勵志詩示韶山諸生四十韻

甘揚聲

大道在天地日月並光輝心傳五百年聞見同一知
生其間負荷安能辭風齡慕聖學孔孟吾所師
成拘腐徒見嗤忝位率衡邑民貧俗已疲更張
法期無私三載還此淹歎彼年歲馳盜賊恣屏茲
造嬉諸生數十人悅學日孜孜經籍為笙簧講肄
根概慕古則花樣時宜養成摩雲翼相期凌風飛
經世學所貴在為或自許稷契或自命堯舜

水利第亦細微黃河萬里流韶峯五疊奇山川會元氣
物多英姿往者曹月川實學溯洛伊太極輯圖解六
家規霍蒲教澤彰子留去後思挹初少端穎不類
吾利舜拓明大任獨肩仔會語造精妙德政聞都畿
二晉民談論尚涕洟我來燕辦香奉若干歲善化道
爵鄉黨憑不疑一簣既先覆九仞功無虧王靜以立
誠以研災孝弟其本與忠恕以貫之作濟川舟楫為
躬儀勿以利祿念銅此靈明機勿以作輟心墮此仁
義基
端士里邈邈洗心堂魏巍高山景行任慷慨承前徽
余雖

困風塵古訓不敢違六馬馭朽索敬義常自持義之秋
繁敬勝春陽熙豈不積愆尤吾欲錫吾疵與子共勉旃
力請無時

七七

送徐無黨之澠池

宋歐陽修

河南地望雄西京相公好賢天下稱吹噓死灰生氣談

笑暖律回嚴凝曾陪罇俎被顧盼羅列臺閣皆名卿徐生

南國後來秀得官古縣依峻陵脚執手極實卑獲賢爲未

可吏寧繩犢文百篇赴知己西望未到氣已滿我昔

僕伊洛當時意氣尤驕矜主人樂士喜
交朋園林相映花百種都邑四顧山千層
朝行好探肥水夜飲翠幙張紅燈爾來飄
流二十載鬢髮蕭蕭六
同時並遊在者幾舊事欲說無人應文章
無用等書
暮過耳如飛蠅榮華萬事不入眼憂患百
慮未慎
年少正得路有如扶桑初日
并名高場屋已得
門今復登出門相送親與友何異
久已格感激短章因
興六一居
山集

澠池之境最多虎道路行人共愁苦狂風吼怒振塵沙落
日驚魂慘烟雨王侯承詔來作丞民有瘡疾手摩撫下車
走謁城隍廟親寫移文對神語為言幽顯雖有分我與爾
神均守土猛虎今茲實害人責不在予還在汝早遣惡類
離境中爾神無愧為民主精誠一念既感乎陰逐潛驅同
其所驛使郵夫中夜馳咩農賈客凌晨聚前時出戶即畏
塗今日連村皆安堵童謠藉藉相謂言孰使吾人樂居處
我侯之德與神通故令孽沴成銷沮豈不見古來循吏美
蹟多虎有渡江及渡河澠池之事同不磨王侯王侯余爾

會盟臺

趙貞吉

天弧夜射青麟死天下諸侯慶牛耳
完壁城邊走趙人擊缶臺畔聞秦聲
池中夜浸一片月年年草綠春風發
猛將韃腰取豹韜牧童扣角來狐窟
列朝詩選

閣修堂假山行

張信民

癖性耽山水貴領山水趣山水趣云何所領惟適處
我自雲中還築石以為山偃仰在山隈脚底怡我顏
山中有怪石何必鑿與鐫謂南澗瀆望之亦巖方山上有茂樹拍榆

桃榴聚鬱鬱復蒼蒼觸目皆佳趣山前有名花無用
花
葩叢菊黃間紅燦燦似雲霞山下有冽水不必天上
深及甕沼雲影任徘徊得趣不在狹與闊勸君視我莫
噫但得其中興味多不覺脩脩發浩歌君不見洛陽名園
天下聞繁華金谷已成塵又不見安樂窩裏冷蕭然空中
樓閣迄今傳卜居此區小又小適已之適元更元

抱初集

邑令王公方田去思歌

關政善

邑進士

緬想澗田苦不平澗池赤子困惇惇二百年來多影射豪
梁兼併恣縱橫富者且貧貧者竄四野蕭條荒草畔版圖

九則漫昏昏傳舍當官空吁嘆一朝帝命王侯來父老雲
迎笑口開問民疾苦惜民財雷聲風飛法令該奇衷華心
奸宄伏有脚陽春一日迴春迴澗水渾無事當時郎官畫
辟易精神直與天地通一切功德萬世利十千國稅告紛
紜王侯念之思慙慙截竹為度繩為直九十一約次第分
地單上下親磨攷密設關防弊竇掃郊原踏遍風雪蹟香
爐塞滿山谷道不阿權要鬼神驚杖藜要見圖冊早載造
圖冊日月明隨教勒石不紛更井田法壞千年後會見王
侯區區畫成功成十月王侯去小民扳遮王侯御直指為國

羅賢良方田特奏賢良疏王侯去我誰能留我思王侯天
盡頭生祠伏臘三祝禱祇是披恩不自繇墾遍原隰萬畝
秋田家賽社醉騎牛數年催租不生愁鼓瑟堂上人休休
當時不有王侯力安得清平卧壘疇君不見崔太常道母
與忠君孝親兩不踈王侯守官即守身大人不失赤子真
又不見王飛鳥從來僊才有數者我侯經濟稱神君海國
家聲卿相治舊志

古錢歌寄澗池高香谷明府

徐秉懿

新安縣令

大造生物各有主苟非其人不能取一飲一啄皆前定于

亦熟聞此古語是以平生少怨尤安貧一任塵生誦同病
相憐有幾人首屈一指高明府明府持躬清慎勤滿縣栽
花鋤樂土忽逢一孔窳而深空洞猶疑管井古累累有物
積其中昔人於此藏阿堵契刀錯刀縱無存崇寧熙寧猶
足數土花剝蝕文模糊什伯金錢天所與更有鐫鑿惜不
完大半摧殘為莽鹵世間好物難堅牢孰已破矣何以補
可喜飛蛛獨有靈似憐宦况來親汝貧交聽聽也忻然口
號詩成慙白紵百里馳書乞數枚絕勝趙壹囊中計

丙寅小春六日有以古銅章僖者篆文新字二字
據云去歲得自澠池千秋鎮土窖中權之計重十
二兩新安故物越千載仍返新安爰作古印歌以
紀事并索同志者和焉

生平好古如好色徒有心兮未有力去年載詠古錢歌
歲重賡古篆刻古篆銅革何處來有人云自澠池得與錢
一并出泥中人棄我取無賞識為予持贈意殷殷斑瀾青
綠土花蝕長則徑寸鈕倍之上有一孔詳雕飾權之計得
十二兩色正區寒如鐵黑其文完好未模糊新安兩字猶

堪識私印官印未可知古氣磅礴前人筆小邑新安自古
名相沿唐宋至今日此物可惜未將年號鐫為唐為宋憑
誰質羨喜同時出土有泉刀以類推之猶可測埋沒千餘
年忽向地中出始知神物升沉顯晦有定期不脛而走能
仍歸故國更喜新安令得新安印事匪偶然名稱實欲為
什襲而珍藏一度婆婆一拂拭欲同鸞鵲佩諸躬此樂分
明勝縮墨詩成紙尾鈴蓋丹砂紅陸離光怪大可名山勒
古錢歌答新安徐明府
高世書

歲丙寅邑人雷

觀雲掘地得古錢一窟報縣人官

量賑貧民徐君

純廬賦詩見寄次韻答之

宋室陵遲歷數主南渡
偏安更無取惟餘蕭蕭夾馬營
至今父老偏傳語生逢

聖世樂太平泉貨流通
食四鬴我來為吏六載餘折腰手
以趨公府東西驛路困
送迎朝暮催科憐瘠土山農鋤地
出錢刀沉沒繡澁文字
古摩挲崇寧及熙寧遠近來觀人
似堵錢為室兮金為堂
河間姪女曾工數百千貫豈可通
神天哀窮黎偶然與旁
有大缶襍小罌破碎不完笑莽鹵
海桑陵谷幾百秋似此
區區何足補新安賢宰今詩人把

臂言歡相爾汝官貧典鷓并僖琴交深獻縞還投紵欲同
劉寵選大錢數枚先向詩筒貯

雷公廟古栢

甘揚聲

元氣盤鬱古蓋峯上有老栢撐青空夭矯離奇不可狀四
山濕翠垂濛濛此栢不知幾千載此廟之號傳豐隆唐時
禱雨獲冥應

唐潞王禱雨於此甘露大沛因
封雷公為昭濟侯建廟祀之

建廟樹栢將

無同我因歲旱陟峯嶺再拜稽首祈神功仰見嗟呀出天
表吼風攫雨如虬龍蒼皮剝落錯紋縞瘦骨皴裂堅金銅

若封細刻岐陽鼓鏜鏜高懸追蠡鐘眉偃髻鬚蕭起放如

對沈鬱黃眉公夙昔曾聞紀泰山千林萬株成灌叢輪囷
撐柱參錯立虧蔽紅雲昇海東四衍葉茂北岳恒三將軍
接陽城嵩陳留度世生枯枝裕陵閱圖回天工年深古物
多摧殘娑娑生意秣童童祭田滄海話蓬萊兔葵燕麥深
香風治北亦有岱媚廟樹大六抱氣象雄五岳觀中更挺
直高三十丈攀無從要未若茲得地勢聳入北斗樓珠宮
年年洩霧作淋漓韶陽士民胥悵懽或歎此相老岩壑莫
由寵受秦漢封飽霜負雪竟何益潛岫岳石長固窮神物
從未忘寵辱瓔珞圭組非素衷賜爵笑彼大夫恒虛名不

受丞相崇渾渾穆穆壽太古永與整峯相始終

澗院寺牡丹

甘揚聲

洛陽花稱天下奇三春時節爭芳菲就中牡丹更奇絕魏
紫窈窕姚黃肥月陂常棣盡娟好自昔相傳大樹少即今
村落皆種之培植弗時樹轉小公餘每愛訪天香人言澗
院一樹是花王我從盟臺穀水禮金刹但見龍燕遊潭池
滿墻呼童布席酌酒酤綠蔭婆娑正亭午清風時拂面
堆絕艷真為衆香祖樹高二丈大合圍花徑一尺紅轉暎
樓臺層出雕瓊玖欄檻斜凭窺嬾施恍疑海上照曜珊瑚

花大台璀璨赤城霞梵宮優曇離塵垢人間繡幕空
香山昔日推崇敬木必奇葩似今盛欣從淨土對鮮穠
覺禪心跡淡定我欲與花共結清淨因鍊作金剛不壞身
移將唐宋尊勝陀羅尼石碣默護此花歷四萬劫長千春
時得唐宋經幢移置寺中立亭覆之

唐宋經幢亭成

甘揚聲

六經在天下垂教有正義如日月經天如江河行地周孔
聖人百世師無貴無賤皆尊之遺經片石足寶貴千秋神
物當扶持此外老莊亦奇詭未免荒誕誇文辭何況楊墨

倡邪說肯令異學滋羣疑東漢永平荒政治詔遣西方迎
佛至白馬馱經入洛陽遂使祇園轉多事豈知佛亦揚墨
流迎祥求福皆虛浮寶珠瓔珞奚足貴諫佛一表堪千秋
刻經祈禱事何益字畫古勁却深惜未忍棄置雜蓬蒿詎
煩愛護等圭璧但念茲石自唐迄今千餘年胡虜變滅隨
雲烟多少殘碑雜瓦礫何幸此經俱完全得無神或察呵
護風雨不壞金剛堅要之佛法有無無足論且作摩訶
狄看矧今經學昌明遍朝野奚俟曉曉攻其端暇日來遊

解院寺寺古猶存宋元字臂前老柏名濃陰建亭覆石

堪置平生金石同嗜痴
不忍古物汗泥沙
此經還歸極界亭前應現優曇花

五律

楚坑

唐杜甫

項氏何殘忍秦兵此處坑
愁雲終古在鬼燦至今明
竟使皇天棄應輸赤帝爭
臨亡猶自嘆頸血污蒼精

少陵全集

送渾池崔主簿

韋應物

邑帶洛陽道年年應此行
當時匹馬客今日縣人迎
暮雨投關郡春風別帝城
東西殊不遠朝夕待佳聲

蘇州集

澠池道中

明王緯

九月忽又暮吾行祇自傷秋燕人共老愁與路俱長野果
迎霜赤園花帶雪黃故人相慰藉日晚引壺觴

明詩綜

過義昌驛

鄒岳兵部侍郎

義昌小驛舍忽見好池臺竹筍虛簷出山峯亂石堆蒼烟
團午淨碧樹帶秋迴坐久潭忘去西崦日已催

山齋淨稿

又

王體復

三尺兵爭日一言帝業成功誰誇信越策已屈良平裏落

前賢祀淒涼古驛名昨來讀漢史千載氣猶生

舊志

雪中次君子亭

楊 甄

以我塵寰者真堪愧此君清連瀝
澗水高帶渾嶠雲新白
忙仍得突聲靜獨聞無端展雪裏
西出路紛紛舊志

過澗懷舊

國朝黃 輝少詹

十六出函關驅車幾度還雲松遊
子夢霜菊故人顏世事
泉移壑年華風過山久應關尹笑
何事馬蹄閒怡春堂集

涉澗

吳 震

清澗方朝涉人家半薜蘿溪光迎
客淺山翠拂衣多霜葉
餘荒壘盟臺俯逝波誰能瞻紫氣
函谷等閒過蓮洋詩缺

遊丈八佛寺

明張信民

匹馬度春城禪林訂舊盟和風撲面軟細雨點衣輕野鳥
峯前語晨鐘殿後聲莫嫌石甃迥圓覺一時傾抱初集

夏日遊韶山遇雨

區軼王鐸

觸暑探岑寂登高望不窮蒼崖噴石乳翠壑隱珠宮勝地
猶堪賞幽懷詎可同坐來雲氣變山色雨濛濛續府志

經熊耳山

呂謙恒

初祖歸真地雙峰界遠天石林清響出雲竚亂流懸瀑至
分僧飯樵歸破嶺烟一龕藏佛火彷彿見青蓮續府志

贈節孝史葉氏

張瑞興

生死無相棄尋盟殞此身已違偕老願不作未亡人一載
恩如海重泉敬似賓鬚眉千百輩容易就成仁

八景詩

徐秉懿

秦趙仍修好冠裳此會盟臺荒遺址在日落暮烟橫識路
牛羊下投林鳥雀鳴客來殘照裏懷古不勝情盟臺夕照

平地濤聲壯天池雁陣寒叫雲來極浦乘月落修翰澎湃
流何急飛鳴韻自酸羨他鴛夢穩交頸白蘋灘

天池落鴈

翹首望岓堯韶峯宿霧消近天嵩岳並拔地兔烏朝黛色

迷丹障嵐光映碧霄層巒蒼翠疊圖畫總難描

韶峯疊翠

周黨曾居澗孤標寄隱蹤自高君子節不羨大夫封著述

傳千載聲名達九重可能留故宅欲訪已無從

周黨隱居

古渡水潏潏輕橈劃利津靜留垂釣客爭返趁墟人細雨

歌青笠微風動白蘋商賢好舟楫留得濟斯民

利津古渡

郊原多宿草陵寢溯桓三一道斜拖碧三秋未盡黃低徊

繻葛戰寂寞墓門荒過客空山少無嫌履齒妨

桓桓墓

澗源來自北曲折水流東一派波瀾壯三春氣爽

舍隱現嵐影映空樓何曾息法云萬里通

古寺空靈真令令火近

灑水臨熊耳晴波漾遠汀每看流活活恰愛韻泠泠秋近
花開蓼春殘絮化萍滄浪歌一曲可許客揚舲澠水晴波

八景詩

甘揚聲

秦趙俱陳迹靖函尚有臺暮烟橫古道斜日照荒萊歷亂
寒鴉影銷沉汗馬才茫茫懷古意尊酒坐莓苔盟臺夕照

一鑑天池水三秋旅鴈飛拂雲涵遠勢遵渚趁斜暉飲啄
原知足迴翔或避機鄉書憑寄汝薄宦未言歸天池落雁

杳藹烟嵐裏傳聞鸞鳳聲千秋元氣會萬壑暮雲橫雨後
青連郭春深潤入城鍾靈應不負為祝甫申生詔峯壺翠

一樣巖陵節高名處士村朝天仍野服歸隱即君恩風月
游岩宅蓬蒿仙蔚園禮賢訪槃澗慙愧簿書煩周黨隱居
莫唱公無渡招招一葦通棹聲烟柳外人語夕陽中郡邑
分韓魏波瀾遠華嵩慙無舟楫具敢負濟川功荆津古渡
見說桓王墓魏義欲接天白雲依古木衰草帶寒烟莽莽
秋風裊蒼蒼落日邊能軍終不武遺事感當年魏義草
嶠陵連古縣澗水出危巔新漲桃花暖春波却逐好魚龍
爭鼓鬣風雨欲連天我亦乘槎客尋源到日邊澗水

澗水波千頃東流接澗河碧添新霽後紅漾落花多斜日

明蘭並遙山映黛螺滄浪有妙理一誦濯纓歌
沈水晴波

張清遠侯墓二首

甘思軾

崇仁

矢石環攻日將軍致命時隻身猶轉戰一劍遂塞旗壘
星先落凶門力不支至今談往事行路尚噓歎

壯志存恢復

侯嘗從岳武穆北征屢建奇功

精忠矢此身九原慙報國于

載說成仁碧血英靈在孤墳草木春定應隨武穆天上列
星辰

七律

送從叔尉澠池

唐顧飛熊

同登科第皆清列尚愛東畿一尉閑雖有田園供海畔且
無宗黨在朝班甘貧只為心知道晚達多緣性好山白首
青衫猶未換又騎羸馬出函關

全唐詩

過澠池書事

吳融

澠池城郭半遺基無限春愁挂落暉柳渡風輕花浪綠春
田烟暖錦雞飛相如忠烈千秋斷二主英雄一夢歸莫道
新亭人對泣異鄉殊代也露衣

子華集

和子由澠池懷舊

宋蘇軾

人生到處知何似應似飛鷗踏雪泥泥上偶然留指爪鵝

飛那復計東西老僧已死成新塔壞壁無由見舊題
崎嶇還記否路長人困蹇驢嘶文忠集

懷澠池寄子瞻兄

蘇轍

相携話別鄭原上共道長途怕雪泥歸騎還尋大梁陌行
人已渡古嶺西曾為縣吏民知否轍嘗為此縣簿未赴而中第舊宿僧

房薛共題轍昔與子瞻應舉過宿縣中寺舍題其老僧奉閑之壁遙想獨遊佳味少

無言騅馬但鳴嘶藥城集

澠池道中寄福昌令張景良通直
鼃補之

十年一夢間湖湘欲往從之道阻長可但知君愛彭澤不

應言我薄淮陽馬穿嶠底流泉白鳥下關頭落照黃愁作
驛亭寒不寐懷人思古九迴腸

雞肋集

澠池道中

明劉咸僉事

濟渡迢迢接澠池嵐浮黛媚欲侵衣周桓遺塚王風降趙
惠盟臺霸業微澗水波光凝宿霧石門樹色映斜暉從容
更上韶山望只見金烏玉兔飛

舊志

澠池懷古次劉僉憲韻三首

薛瑄

行過嶠陵到澠池九秋黃葉撲人衣風來澗水波聲急雲
下韶山樹影微地遠黃河連暮靄

李高古詩

秦趙同盟處只有荒邱鳥雀飛

澗流猶繞舊城池城下秋風動客衣桓塚未荒王業降明
帝已築霸功微石門衰草連秋色亭柱疎林映夕暉更上
馬頭高處望五龍潭畔暮雲飛

山作高城水作池諸侯曾此會戎衣臺荒已見兵威息波
響猶疑瑟韻微周堂聲名垂汗竹桓王弓劍霽斜暉登臨
不盡千年意目送秋空雲鴈飛

文清集

拙巢

薛瑄

經營渾不擾靈虛獨占蕭然太古居四面好風吹戶牖滿

天明月靜琴書心閒斗室渠渠大望遠雲山點點殊不是
元公當日賦可能相與化為徒月川年譜箋

過澠池

黃諫翁

澠池名邑在關東人物熙熙樂歲豐秦趙會盟臺尚在峭
函設險地猶雄韶山烟斂層巒出澠水河寬幾處遙欲向
山林招隱逸共誇周黨有遺風舊志

君子亭

孫永思御史

千里岡巒孤驛亭人家環合水雲扃風塵清跡憐寒嶺
月同遊張石屏草樹密連山氣碧池臺深隱竹林青

今古嶠函路來往輪蹄總利名舊志

次韻

廿 茹 恭 謹

尋路重經尚竹亭秋陰滿戶未須局夜來風籜鳴寒籟而
過烟消簇畫屏活水席邊分草碧假山橋外借雲青江
亦有淇園樂別後平安誰寄名舊志

會盟臺

陳 樂

澠池之會天下聞澠池遺跡城西門數畝荒臺連斷澗千
年銷鐵起寒雲負荆他日屈庶將鼓缶一朝伸趙君勝負
不須評往事山花秋葉共紛紛舊志

義昌道中

周易

縞素三軍起義昌
項劉從此決興亡
寬仁夙慰秦民望
叱咤空憐楚霸強
一劍成功名載鼎
八千忍恥淚沾裳
神堯帝業屬真主
千古英靈雲樹蒼

舊志

宿石門觀

王之節

宛轉層巒入翠微
俯臨幽澗白雲飛
田開絕頂分泉脉
居近平崖列土扉
高隱蒼茫何處是
舊家蕭索盡云非
巡行未竟余悲慨
願播皇仁卹困羸

舊志

解組吟

張信民

解組歸來樂意賒，小亭兀坐寂無譁。
閒來移築山前石，靜裏栽培庭畔花。
滿架芸編消歲月，一犁春雨潤桑麻。
更何朋伴涉園趣，共看沙鷗渡水涯。
北初集

八景詩

戴

珙

山東布政

趙去秦亡歲月長，盟臺空自委斜陽。
高堆影倒暮山紫，虛址光回秋草黃。
歸鳥爭巢喧雉堞，牧童橫笛下牛羊。
英雄一代知何處，懷古令人空斷腸。
盟臺夕照

翠藻白蘋秋滿池，翩翩鴻鴈倦飛時。
拖雲帶雨來天外，喚友呼朋向水湄。
映日翅黏紅瑪瑙，涵山身蘸碧玻璃。
莫耽

此處多佳景寒到客邊書到遲

天池落雁

翠削芙蓉幾萬重
雨餘佳麗更無窮
影懸天外橫河漢
氣壑人間等岳嵩
石髓遠隨丹嶠出
鐘聲只在白雲中
春風下界多紅紫
不遣巖阿有一叢

韶峯疊翠

無媒徑路草萋萋
懶見香泥印馬蹄
高節不因炎帝屈
芳名應與碧山齊
月明故宅人何在
花落空階鳥自啼
冠蓋紛紛千載下
幾人憑軾過前溪

周黨隱居

縣北村南津水平
津頭利涉舊知名
趁虛客到清溪渡
羅釣人歸載月行
蓮唱雨中雙槳緩
棹歌柳外

今喜多舟楫欲濟無勞問耦耕
荆溪古蹟

寢門寂寂碧山巔碧草秋高泣杜鵑
滿隄萱草舍宿雨遶垣狼籍鎖寒烟
離披已散能軍魄掩冉深藏中射肩
莫向西風傷亂始盟臺蕭艾自芊綿
桓陵秋草

桓陵山下澗源長積雨平添水渺茫
楊柳映波漂嫩綠桃花逐浪沫餘香
吹翻地軸聲何壯撼動山根勢轉狂
多少魚龍爭變化揚鬣鼓鬣破天荒
澗源春湧

雨餘澗水漾晴波一派東流接澗河
清淺正宜龜曝背瑩明猶稱鯉拋梭
白蘋紅蓼秋思苦岸芷汀蘭春意多
何處

忽來林下客泊舟沽酒聽漁歌

澗水晴波

八景詩 錄五

柳應辰 都御

荒臺隱隱澗城西短景蒼茫夕照低
趙璧已沉坑鬼泣秦
灰未冷野狐啼衰蕪秋晚牛羊下
老樹春晴鳥鵲棲
惆悵不須重慕蘭清時四海息危機

盟臺夕照

天開一鑑勝芳塘鳴鴈翩翩下
夕陽雪鷲進沙爭欲啄
劍蒲籠霧亂回翔潭心影浸三更月
塞外聲寒五夜霜
大窖不傳蘇武信白頭終老牧胡羊

天池落雁

晚景蒼茫照翠微沙頭車馬漸來稀
他鄉旅客頓呼渡

岸人家半掩扉數處斷碣催日落一行倦鳥向林飛幾多
逐利求名者目極天涯殊未歸荆津古渡

一山峭出衆山巔上有桓陵不記年萬壑松聲秋瑟瑟幾
林楓葉晚酣酣斷碑剝落蒼苔古華表欹斜碧草芊遼鶴
不來明月夜滿川樵牧日相喧桓陵秋草

晴波萬頃自悠悠赴洛通河日未休香泛落花迴草蕩影
留殘黛逐蓮舟晚橫紺碧連天遠夜碎金瓊帶月流最愛
微風吹動處自然文錦勝雕鏤浣水晴波

八景詩 辭二

四朝張璟

地向嶠西積水無飛飛那不憶江湖天如構暘垂金露山
似澆塵出玉壺一鏡波恬駕夢穩三秋水落鶴聲孤肯將
織字臨風翼中夜嗷嗷遇荻蘆

入池落雁

澎湃東逸畧約艱相傳秦帥此西還迷離片石愁小色慘
澹孤雲老客顏萬里乘槎源詎得一舸扣檝歲偏開宛如
身在維揚地日日潮隨楊柳灣

刊津古渡

八景詩

錄五

鄧琪業

天池彷彿似南溟泝沆澄泓負地靈荻岸蕭疎秋已暮鴻

聲嘹歷夜常經霜輕斂翩連翩下月黑懸飛取次停一去

瀟湘萬餘里暫時相聚總浮萍七池落雁

韶山隱隱抱孤城疊巘層巒積翠盈爽氣朝來浮畫棟
雲時起類東瀛背河浪湧黃流險望嶽晴開綠樹平自喜
飲水無俗狀重門晝掩有餘清韶峯疊翠

赤符王氣在東京處士先從周黨迎入見無心仍野服罷
歸有詔謝塵纓雲生虛壁侵書案草滿空階禱杜蘅茅屋
一廛誰得並巖陵灘畔賦嚶鳴周黨隱居

高原突兀碧雲端隧道幽深幾屈盤古木垂陰雲影薄回
峯斜映日光寒傾頽石碣無遺篆嗚咽泉聲有急湍極目

傷心秋草綠月明惟見露溥溥
桓陵秋草

白石源開山下泉乘春曉漲杳無邊
入河禹蹟先趨洛定鼎周京更卜瀍
迅急似從三峽過奔騰疑向五溪還
公餘寂有觀瀾興岸柳隨風帶碧烟

澗源春湧

石壕遇雨寄澗令王孟亭

郭朝鼎

軟塵拂面慣長征一雨花封伴客行
溪上凝烟同水合柳邊驅犢帶雲耕
元知惠澤來峭嶺可許春風到洛城
歸去不須頻索畫小齋幽靜借陶情

八景詩錄二

席
椿
紹
興

不拜彤輝返草門
身兼獨寐天無礙
南陽爭豈死行馬
漢原來有大鯤
芳草深涵將詔徑
白雲長護跋千垣
高風
只有嚴陵並千載
猶傳不召村
周黨隱居

萬里黃河一葉舟
爭傳古渡幾千秋
揚帆直剪桃花浪
棹斜看竹箭流
王屋雲山天北極
峭陵風雨嶺西頭
不用疑懷璧
長見榮光午夜浮
利津古渡

石濠遇高明府作

徐秉懿

礪犖嶮嶮路不平
石濠村落又經行
詩吟工部愁如結
花滿河陽治久成
滕薛政繁同致嘅
魯邾柝擊可聞聲
雙鳧

前導子逢仙史面目緹黧各自驚

古錢四首再寄高香谷明府

徐秉燾

周禮曾聞九府圖阿誰留貯質爛斑
帝王有字傳千古子母相權競兩間
歲久疑來龐氏井命窮空負鄧家山
沒誇滋味濃於醴本草燕公博解顏

張燕公有錢本草碑

莫辨男錢與女錢感深持贈意纏綿
留遺直在元明上愛玩非同耳目前
賈朽笑他真有癖囊空悔我太無緣
而人事事堪如願看取牀頭百箇懸

數百年來物尚遺摩挲輪郭憶當時
五銖半兩形相似烏

見派湯盤置合宜
醉難償沽酒值居
可聊當買山費
阿僕空羨河間女
數不能工亦可嗤

詩筒數寄古錢歌
與到還將七字哦
措大果然看不厭
好官其奈得無多
春風墻角青榆綴
夜月庭心彩蝶過
我欲珍藏同拱壁
畫文何敢效東坡

趙良棟墓

高世書

當年偷渡寇猖獗
仗義如公大節彰
共道常山生罵賊
休論溫序遠思鄉
全家拚向重泉見
一死能增兩地光
不許碑陰牛礪角
行人憑軾吊斜陽

遊鑿山

茹起

鑿山突兀勢凌空怪石參差一徑通
迢遞恍疑登鷲嶺清幽真似向龍宮
襟期薦爽消煩暑殿閣迎涼納遠風
吟罷同人歸去晚滿林蒼翠夕陽紅

登熊耳山憩空相寺

茹渤澣

偶來清興陟危巔頓覺凌空思渺然
雲片低飛風萬里石稜倒挂樹千年
叅禪愧比王摩詰搜句思逢賈浪仙
堪笑紅塵車馬客浮生只為利名牽

八景詩 錄六

劉文運

榮趙當年此會盟，相如智勇冠羣英。英雄已逐東流去，
址猶留夕照明。光返旗亭臨古道，影迴花縣射孤城。祇
薄暮登臨際，彷彿猶聞擊缶聲。

盟臺夕照

豈獨巖光隱富春，洛西亦自寓幽人。名標竹簡忘歸漢，
入桃源似避秦。逸性自饒山水福，好官難致薜蘿身。雲臺
將相今何在，千古猶誇不召臣。

周黨隱居

行人絡繹此經過，舟子招招利涉多。南北竹符分若墅，往
來蘭葉疾于梭。數聲欸乃通三晉，一葦游行到兩河。幾度
桓王山上望，安流萬里少風波。

利津古渡

周王陵寢幾千秋，鳳翼雙飛古渡頭。
衰草只今埋隧道，白楊從古弔荒邱。
能軍未必非英主，遺碣誰當表道周。
一樣滄桑華屋感，淡烟斜照使人愁。
桓陵秋草

營洛中分澗與瀍，尋源有志效張騫。
東風凍解山飛瀑，北陸冰開地湧泉。
不減綠波桃葉渡，還宜紅雨杏花天。
濫觴林說涓涓細，直下函關會百川。
澗源春湧

溪流一曲繞城過，春水溶溶湧翠螺。
雨後恰宜添小漲，風

不聞看漲晴波人游沼，止煩襟
錦魚戲蘭苕，樂趣多對此

自生濠濮想忘機，朗誦濯纓歌。
池水晴波

天池落鴈

薛道

春北秋南不夾期
翩翩雲鴈落漣漪
數聲嘹唳遙聞處
度迴翔欲下時
蓼岸花疎烟點點
蘋汀風動影差差
啣蘆終有隨陽願
為語張羅莫妄窺

韶峯疊翠

史銓錄

澗河西望峙烟鬟
疊翠如逢海上山
烏兔幾時歸上界
蓬瀛原只在人間
依微紫氣連秦岫
縹緲仙雲接漢關
清興欲窮千里目
幾回蠟屐想躋攀

周黨隱居

王焜

高風落落屬先生山水烟霞足性情下榻有時來仲叔杜
門不出謝公卿蒿萊半畝尋廬舍苔蘚殘碑記姓名漢代
伊人念已杳韶陽一望野雲平

利津古渡

茹永和

南村一望水連空澎湃東逸勢不窮歸棹夜搖明月裏輕
橈晚唱夕陽中尋源便作乘槎想利涉先期破浪風多少
英雄隨逝水滄波憑弔古今同

桓陵秋草

茹應芬

秋草蕭蕭臥夕陽周王陵寢尚高岡南依翠嶂千層險北

枕黃流一水長古木寒鴉空悵惘荒烟殘碣絕淒涼山深
欲問當年事惟有西風動白楊

過義昌謁三老董公祠

夏良玉

漫說陳平有奇計何如遮說洛陽時真龍遂得中原遠
識居然帝者師畢竟冥鴻同綺季幾曾漢殿列準夔千秋
判有荒祠在斜日蒼茫照斷碑

達摩禪師墓

曹虎拜

手攜隻履去翩翩貴蛻當年葬此巔見說人間猶有墓可
知天上本無仙却憐面壁心同石亦喜談空夜不眠安得

多羅傳正法為師惆悵夕陽前

會盟臺

甘揚聲

曩氏三軍，旗鼓臨虎狼橫噬陣雲深。孤臣怒欲衝冠日，驕
主權為擊缶音。此計原非萬全策，趙人聊快一時心。荒荒
落日顛垣外，共說相如智勇沈。

登見山樓

甘揚聲

見山樓迴倚晴虛，今日登臨喜氣舒。幣帑球琳

天府使山川，城郭古韓餘。放衙漸覺民無訟，退食真成

隱居。但使閭閻未稼熟，何妨宦久室無儲。

宿五龍廟

集唐

甘揚聲

一簇林亭返照間

草莊

五龍潛處野雲閒

韓

應當知此界

非此界 迤壽行盡深山又是山

許渾

碧幌青燈風艷艷

元

吳禽靈草水潺潺

貫休

我來問道無餘說

劉言

洞裏丹

砂自採還姚合

登整山

甘思軾

一綫危崖石作梯
整峯高與碧霄齊
幾經百折千盤上
纔見羣山萬壑低
日暮風濤翻檜柏
天清雲漢截虹霓
歸途不盡登臨興
古木寒鴉夕照西

七絕

澠池懷古

唐汪遵

西秦北趙各稱高，池上張筵列我曹。
何事君王親擊缶，相如有劍可吹毛。

全唐詩

澠池

胡曾

日照荒城芳草新，相如曾此挫強秦。
能令百二山河主，不作樽前擊缶人。

全唐詩

蘭相如

童勣

事大從來賈息爭，區區何用勝秦名。
不知醞出長平禍，猶

說當時擊缶聲舊志

發澗池道中

宋韓琦

渡洲登坡直幾重
嶺頭四日上曛曨
野花紅紫連官道
靈范清香散曉風

女陽集

自澗至洛循穀水行百餘里

司馬光

已煩穀水遠相送
更得嵩峯遙見迎
水碧峯青看未足
却愁前到洛陽城

涑水集

君子亭三首

明陳棊

昔年曾此竹亭過
好對琅玕發瀟歌
今夕向予逢鶴舞
清

陰更比舊時多

弭節開亭澗水東
數竿翠竹洒清風
此君應笑奔忙者
日逐紅塵世界中

亭前假山二丈高
晚陰候月坐山腰
烟消雲捲清光吐
飄得一窻疎影搖

文淵集

澗池有棖

傳梅

會盟壇下澗池流
草色連天蔽故邱
隴月只看懸太白
春雲不解到幽州

雜園稿

題君子亭

張元芳

嶺區古道倚巖坑，駟馬來看竹數竿。自疑此君清味遠，碧
雲深鎖萬山寒。

遊趙家溝

張信民

山上青峯山下泉，後層鳥道摩蒼烟。避秦却向桃源去，應
未尋幽到此邊。北初集

小龍門四首

張信民

兩山並峙一門開，勝跡原從造化裁。同伴偕遊聊此憩，好
風時向座中來。

半空虛閣倚雲開，傑構天成別樣裁。一自赤松修剎後，不

聞鐘響有人來

山勢迴環萬境開無邊
美景試心裁會須識取山靈趣肯
到名山空手來

慢說遊行無所開中行
狂狷箇中裁此時此景樂無際不
減春風沂水來抱初集

正學書院四首

張信民

輝煌吾道日中天無奈
壁氣障大全此日重明昭宇宙結
盟千載見真傳

從來至道何人行
無愧此生欲
道引前非

經喚緊鳥嚶聲

六鬼關頭識未艱轉迷只在覺迷間諦觀朝氏傳心印
察工夫是啟關

人人有路莫它求己道還宜己自修好把惜陰師大禹奮
身齊步到尼邱舊志

次韻

呂維祺兵部尚書

都將雲霧當青天管裏偏能見豹全放却自家真種子終
年持鉢問人傳

吾曹所重在躬行浩氣還於集義生若向口頭敷衍去寧

知天載本無聲

下手何愁認取艱分明利與善之間其中倘得真扁鑰夜
夜柴扉不必關

此道何須向外求原來率性即真修試於倦卧飢餐看大

爰從前問索邱 舊志

會盟臺二首

國朝王士正 詞部

秦聲趙瑟會西河御史前書較孰多臨訣數言闡大計論

功終欲首廉頗

不辭頭血戰秦王進在當筵氣慨陳十五名城洲道詳可

談笑請減陽

八景詩

張翰儀

遺址未消磨斜日蒼茫
千古多能使強秦甘擊
不亞廉頗盟臺夕照

波前綠滿池剛逢北雁
捲飛時鄉書此日憑君
寄意寒信到遲天池落雁

奇峯接碧天金烏玉兔
景鮮妍鍾靈代有文人
起舜應監奏昔年韶峯疊翠

亦伏符與罷戰爭漢家
臣節兩先生請看熊耳
山頭水一

蘇祠江徹底清周黨隱居

舟子招招古渡濱輪轅來往利行人孔門當日如經此仲

氏何勞再問津利津古渡

斜陽秋草帶荒烟見說桓陵在此巔斷碣苔封傷剝蝕惟

聞父老話當年桓陵秋草

滾動山根勢若狂春林兩岸澗源長最憐三月桃花水多

沙魚龍變化忙澗源春湧

晴日和風草樹繁一灣澗水抱烟村秋來定有風雷起江

看金鱗躍禹門澗水噴波

盟臺夕照

孟 壘

千載興亡已劫灰尚留遺蹟在蒿萊
祇今一片斜陽影曾照秦王擊缶來

又

杜枝春

進缶當筵膽氣麤英風爭說藺相如
荒臺遺址依然在古木寒鴉落照疎

闇修堂弔張抱初先生

李肯堂

天心圓月正光明不許微雲點太清
欲識箇中生意好程魚周草窠關情

延平風月後人思見
說邵窩尚有基
一樣閒雲依綠野
為公惆悵峴山碑

歲寒松柏想孤標
講學高風去未遙
難得賢侯崇祀典
不

教祠宇付漂搖

邑侯甘應谷先生
議重修沈心祠

瓣香私淑廿年情
曾對鱣堂宿清

在歲任內鄉訓導日
以學行相勸勉時

諸生祖饒春春不忍別然
自維淺學祇增慙慙耳

恨不生前侍函丈
南軒門下作

門生

周黨齋

史學舉

一代清風羨考業
至今土屋倚高寒
江湖廊廟俱千古
應

興雲臺一例看

中山八景

僧海月

樹隱岩高薛徑通
必芻向此卧松風
蒲團坐破千峰月
洞口年年有二空

芝罘洞

屋後巉崖似錦屏
綠陰濃樹拱雲亭
紅塵久被烟嵐隔
暖花飛滿院馨

錦屏岩

老樹何年植殿前
亭亭修幹拂雲烟
春來花發疑飛雪
亂落陀羅色界天

菩提樹

白雲靄靄梵宮幽
那有纖塵落碧流
只許逃名方外客
朝

朝洗鉢到池頭洗鉢泉

綠陰深處有池塘
曲水如龍逸上方
幾度晚風池上立
花開冉冉襲衣香白蓮池

昂然怪石似頭陀
百尺崖前隱薜蘿
伏虎莫輕卷石力
山魃伎倆總無多羅漢石

為愛藍陀近寺傍
土花風雨繡蒼蒼
跣趺獨有烟霞客
定裡乾坤日月長藍陀石

勝地名山底處無
小園擬作輞川圖
齒碧泉引得分高
下閑

種黃精養幻軀秋葉園

六言

澗池雨阻書懷

黃輝少詹

觀舍太秦迢遞王程過洛峻嶒落月佳人易別飛雲遠鴈
難憑往來舊雨新雨公住南陵北陵誰共蕭蕭古驛短欄
獨樹殘燈

林靄方垂翠翻章雲忽復靄憑澗水連空戢戢嶠陵和雨
登登怎洗郵塵襤襪終愁合潦泓曾試問僊槎秋速向如
雙借人乘舊志

補遺

石窟寺

呂謙恒

匹馬倦猶往啼鶯聲
自和客來樵徑少
松覆澗雲多與蹟
占興廢孤遊寄嘯歌
偶逢田父手語向北山阿

古言要集

望月樓對月

鄒魯儒

一樣深宵明月色
登樓方見太虛寬
從知立脚須高處
莫被人譏坐井觀

靜中空覺四塵消
只有嫦娥伴寂寥
多少朱門歌舞地
可憐清賞負良宵

澠池縣志卷十

藝文二 詔 漢 光武

詔

漢光武賜馮異詔

始雖垂翅回谿終能奮翼澠池可謂失之東隅收之桑榆
聞吏士精銳水火不避購賞之賜必不令將軍負丹青失
斷金也 後漢書

漢光武賜周黨詔

自古明王聖主必有不賓之士伯夷救齊不食周粟太原

周黨不食朕祿亦各有志焉其賜帛四匹

後漢書

疏

奏請專祀曹端大梁疏

明周孔教尚書

臣聞事有宜緩而急若輕而重者名教是也名教莫重於道德天地所恃以立猶元氣之流行不容一日息者今國家多事之秋人心澆漓之會崇德表賢尤為急務臣以菲材承乏中州固道德之鄉也臣於攬轡之下不勝執鞭之思謹按有宋以來諸儒皆學士所謂有道仁人也近其於聖子孫式微祠宇荒翳或祀或不祀即祀組豆不備有司直

以簿書期會為故事矣甚可歎也思我國家標此為礪世
磨鈍之具謂何中州人士之以道德稱者自元儒許衡沒
百餘年有曹學正者名端澠池人弱冠博通五經雅慕伊
洛之學儒者宗之永樂中鄉舉授山西霍州學正在嘗十
年其造士務踐履士服其教如七十子之服孔子已而改
蒲其得士如霍會端考績霍蒲諸士走詣闕爭留之所著
有孝經述解夜行燭家規輯略四書詳說存疑錄拙集集
等書行於世論者以為國朝理學之倡宜急詔有司專祀
大梁庶四海九州咸仰皇上崇儒重道之意雖微必錄雖

久必伸豈惟消叛逆之心亦且為風俗之勸矣曹月川集
序

太極圖說述解序

曹端

太極理之別名耳天道之立實理所為理學之源實天所
出是故河出圖天之所以授羲也洛出書天之所以錫禹
也羲則圖而作易八卦畫焉禹則書而明範九疇叙焉聖
心一天理而已聖作一天為而已此以羲易言之八卦及
六十四卦次序方位之圖曰先天者以太極為本而生出
運用無窮雖欲紹天明前民用然實理學之一初焉厥後

文王繫卦辭周公繫爻辭其義始明且備命曰周易及孔子十翼之作發明義畫周易之旨大明悉備而理學之傳有宗焉其曰易有太極是生兩儀兩儀生四象四象生八卦義畫說也太極者象數未形而其理已具之稱形器已具而其理無朕之目是生兩儀則太極固太極兩儀生四象則兩儀為太極四象生八卦則四象為太極推而至於六十四卦生之者皆太極焉然則義易未有文字而為文字之祖不言理學而為理學之宗噫自木鐸聲消儒者所傳周經孔傳之文而義圖無傳遂為異流竊之而用於他

術焉至宋邵康節始克收舊物而新其說以闡其微及朱子出而為易圖說啟蒙之書則義易有傳矣不惟義易千載之一明而實世道人心之萬幸也伊川程子康節之同遊傳易而弗之及果偶未見之邪抑不信邵之傳耶若夫濂溪周子二程師也其於義圖想亦偶未見之焉然而心會太極體用之全妙太極動靜之機雖不踐義迹而直入羲室矣於是手太極圖而口其說以示二程則又為理學之一初焉何也蓋孔子而後論太極者皆以氣言老子道生一而後乃生二莊子師之曰道在太極之先同一曰太

天地人三者氣形已具而混沌未判之名道
一之母在太極之先而不知道即太極太極即道以通行
而言則曰道以極致而言則曰極以不謀而言則曰一夫
豈有二耶列子混沌之云漢志舍三為一之說所指皆同
微周子啟千載不傳之秘則孰知太極之為理非氣也哉
且理語不能顯默不能隱固非圖之可形說之可狀只心
會之何如耳二程得周子之圖之說而終身不以示人非
秘之無可傳之人也是後有增周說首句曰自無極而為
太極則亦老莊之流有謂太極上不言可與之二字者則

又不知周子理不離乎陰陽不雜乎陰陽之旨矣亦惟朱子克究厥旨遂尊以為經而註解之真至當歸一說也至於語錄或出講究未定之前或出應答倉卒之際百得之中不無一失非朱子之成書也近世儒者多不之講間有講焉非舍朱說而用他說則信語錄而疑註解所謂棄良玉而取頑石掇碎鐵而擲成器良可憤也端成童業農弱冠學儒漸脫流俗放異端然尚縻於科舉之學者二十餘年自強而後因故所學而潛心玩理幾十年之間似有一髮之見而竊患為成書病者如前所云乃敢於講授之際

大書周說而分布朱解倘朱解之中有未易曉者輒以所
聞釋之名曰述解用便初學者之講貫而已非敢竊高明
之觀聽也端前為序冗中舉概而但辨語錄太極不自會
動靜一說之戾適因頭目風眩坐臥密室良久默思不滿
意乃口此命子琇筆而易之仍取辯戾及詩贊附卷末尚
就有道而正焉

曾月川集

月川曾先生鏹粹序

孟化鯉

蓋宋濂洛諸儒明鄒魯之學入我朝得白沙姚江而大明
然先白沙姚江以此學鳴天下有~~孫~~先生焉河東薛文清

河南曹月川也月川先生生於武弁宣之際嗜古篤行明
道淑人當世翕然宗仰若山斗彭少保寧菴謂我朝道學
之傳斷自先生始誠為確論先生科第仕宦生卒皆先文
清文清嘗稱先生自少讀書即有求道之志遂由闕洛以
遡濂溪且曰理明心定有德有言蓋學同行同而尤推重
如此乃今文清得請從祀而先生闕然祀與否於先生無
加損然世道人心繫之矣或曰先生篤行君子也所著書
羽翼朱傳舉業爾昔程子作字甚敬曰即此身學先生學
以一敬為主舉業即德業也且訓經曰傳翼傳即所以翼

經而況先生學本六經又非專為舉業者乎今夫躬行君子聖人以為難可少哉又況國初志學者鮮而先生獨以斯道為己任其書精融閱透雖稍遜白沙姚江然篤行初無二轍今距先生幾二百年其孫子及里中後進數十人猶相與恪遵遺訓聯會觀摩究明此學啟佑之功又大先生著述甚多曩宛平李尹蔭欲重刻不果又數年馮子行坤華與先生七世孫繼儒來新安論學鯉輒忘其愚陋敬摘先生言之粹者編次鉅梓俾論世者知先生之學不詭于鄒魯濂洛而併序其從祀之後於文清無亦竊附彭少

保之意歟少保向者云云蓋寓書河南撫臺梧州李公表
軍先生者也 孟雲浦集

澠池正學會約序

孟化鯉

澠池馬子厚楊子要鄭元晦上官體良張有孚既誦皆孔
孟之訓斌斌稱學士矣又相與過新安而商學余乃述所
聞先師尤先生教言莫非孔孟求仁集義之學欲其擴充
良心常存天命之性以毋令意見口耳技好俗情所移臆
諸君聞之亦既喜見于面欣欣欲從事矣已又念此學不

可一日無友然非訂會相磨則久而意歇氣動則以墮惰

者有之於是聯友為會以月川先生為邑前哲而又得
淑吾先師廼設兩先生位于會所示儀刑也亦既得所師
資矣然兩先生皆正學以故甫會而馬嶺千秋之士靡不
願入延及布衣雲擁川至可以見人心之同而正風俗美
教化於此焉繫所關亦既非渺小矣它日馬子偕諸君來
述其事且請書教語引會約夫諸君之欲從事此學如此
其真也師資如此其正也感孚如此其速也以是觀摩足
矣余復何言余惟學者不患論議少而患躬行之不至不
患切磋寡而患志意之不親志意親則視人猶已不論語

默皆足相益而不至于相齟躬行至則推已及人不論親
踈皆足相成而不致于相睽然又必以純潔為洗心之極
以淡泊為養性之基愈會愈學愈學愈正良心日著性命
日切將意見口耳無所著技好俗情無所入庶幾乎孔孟
求仁集義以無忝居兩先生之鄉其或徇外務名黨同伐
異面折博責善之譽元談落異學之窠諸君諒不爾爾而
亦豈諸君所以訂會務學意哉詩不云乎靡不有初鮮克
有終余更願諸君之終之也 孟雲浦集

余生平喜忠孝節烈事于賢媛傳猶恣嗟慨慕焉謂坤儀
之隆儼于陽德衡量今昔而知戛戛其難也今于澗得節
婦二其一為秀才張慎修妻劉氏其一為秀才王熙妻杜
氏劉年十七而嫁越二年所夫罹寇死有子甫七月聞訃
哀毀以死自誓惟以上事孀姑下撫弱子不得從夫于地
下為恨發影匿光掃積塵而夜坐望寒月以餐霜者至今
三十餘年以婦道而兼子道母道而兼父道食藜茹荼雖
史冊所載曷加焉杜氏于夫死之日痛哭號泣誓不欲生
絕食者凡六日而又處分家計為姑養生送死之具然後

縊死于靈側噫烈矣哉余嘗上其事于各執事執事嘉其
行而賜額焉一日節操可風一日殉夫就義吾聞木之節
者心多堅斧斤犯之而難入風雨鼠虫飄搖攻嚙之所難
加也劉氏一閭巷之婦耳衣粗食糲抑絕甘濃賃舂無侶
偕隱有嗣生事死葬撫育三十餘年如一日杜氏從容就
義視死如飴冰心霜骨均非恒等所可及者或曰劉似程
嬰守孤難杜似杵臼死較易予曰否二氏之跡不同而心
同也是以序其事而記之舊志

張炮初印正稿序

張漢河南

吾宗理學最著者宋橫渠南軒兩夫子宜陽家思叔先生
亦伊川高弟有明之世澠池曹月川而後則家抱初先生
距今百有餘歲矣予行縣過澠方懷想風流適有生共立
逢次挾冊迹予前而言曰我固抱初之後也先抱初公舊
有祠今廢所著洗心錄四禮述印正稿諸刻俱不存存者
僅此繕本耳予受而讀卒見所論著皆發明性命之言讀
年譜聞其幼小時尤異先生生而洞見五臟其尊人見而
驚詫不欲舉其外祖父曰此異兒也吾聞薛文清公如是
尊人始舉之自是二歲即能讀三歲能書五歲能文字學

髮鬢乎日益方先生幼時與諸兒戲畫地為城郭形狀外
方而內員先生曰非也我聞天員而地方天包地之外蓋
員外而方內乎聞者驚異自嬉戲時已挾乾坤之奧義矣
比長學成凡一言一行動中矩矚用是上嗣三張粹然有
道吾將異世而師其人惜所論著記者文詞之不潔也予
再過澠乃進生而語之曰先生書固可傳惜記者詞不善
吾又無暇為芟繁就潔盍待諸且建祠刊書力未逮時澠
池劉令方修書院成予命題曰蘇頌濱書院謂蘇子由曾
為澠主簿俾澠中人士追祀而師法之示所尊也書院成

請增置二木主月川左抱初右令朝夕誦習者讀其書而
師其人不愈於專祠而特祭者乎生悅吾言乃退漢於是
懷思澠士又復慨然也澠自子由主簿之世距今五百年
遠想當時從其遊者必有文章特達之士興起一時乃至
於今澠人文頽敝極矣祀子由而追師之俾有所蕩滌性
靈力求先正振衰起廢或尚有日事有曠世而相感者其
在斯人歟其在斯人歟月川抱初之徒計日復起也子因
序抱初集欲徧以是言告之

續府志

重修龍山觀序

徐傳星

汝州

澗池之西村橫嶺迴嶂盤紆數十里俗故以龍龕山麓有
觀凡十數楹未審孰創始已就傾圮壬午春余于役維西
過其下就馬上仰瞰意殊惜之會龍泉周水鶴吏斯地邀
余與客並轡出村南涉水稍折而西馬首隆隆遠山腹半
里許出林麓間得所謂龍山觀少憩山僧導而升倚空臨
邃則已身置絕頂紫綠萬狀懷拍拍然更南望熊耳西顧
嶠函呼吸天風如禪釋縛余慨然謂水鶴曰公不見夫繁
縵沃衍之區好事者叠一岡一阜負土運石不知費幾億
萬錢卒未必有真趣乃此山觀勝致其所自呈而坐茲荒

燕遊屐罕到人地之不遇有類是哉抑亦山之寂如太古
吐納烟霧自得其所固有不必遇者若亭閣曼延金碧錯
落以是云遇安知其所遇之為遇而不遇之為不遇也耶
則余與冰鶴今日之於是山冀得其遇固非惜其不遇亦
非也冰鶴啞然笑曰公為是山解嘲要亦未必非山之遇
也昔語亦既山僧輒以修葺請乃共輸金囑紳耆董厥事
俾令弗圯亦勿盡剝其簡樸以存是山之真焉乃可採訪金石

張瑞圖世德序

席元榜孟津邑令

余既成進士僦俱利城為諸生商榷筆墨有張生繹謙者

健於文有核墳史嘗品之為高第弟子一日在侍叩之曰
人言汝家有世德可得聞乎曰否生家邑之南庄村世習
士農者也春雨一犁夜月一經如斯焉已其何能德余曰
聞汝高祖瑞圖公揀蓄振貧散財繼令汝曾祖濟民公繼
之汝祖其素公汝父鳳彩公又繼之邑中藉藉四世一德
信乎曰是烏足溷先生聽然辱明問竊願有復生高祖之
持家也朝籛暮鹽麤裳跣服然性素濶達除道成梁捨糶
瘞骹率著為常年不順成則紓急若應左右手其困瘁
給每千數疾彌留時猶喃喃語曰叔向貧貧子文逃富爾

孫子...也其謹識之...
四十一年遠四十九年歲饑生曾祖按時散粟先二百石
有奇次三百石有奇雜糧各無算嘉慶十年歲饑生和復
散粟四百石有奇雜糧亦無算十一年歲大饑粟罄如珠
生父...家無素儲將...質銀三百兩地質銀四百兩以...
給...此生家...人齒者要由廬旅鄉井事稍合...遂於
無佛中補尊耳不圖先生有過差之諾也余曰於戲斯所
謂功德無量者周禮以荒政十二聚萬民首曰散劑
今天子湛恩汪濊偶過告匱

災命過申大啟帑庾動億萬計蓋恐一夫內清矣汝宗世
若茲是代宣

聖意者也不寧惟是古者大凶則下歲饑則損祿五分之

一旱則損五分之二凶則損五分之三饑則損五分之四

饑則盡損其祿當春秋世鄭饑子皮籛國人粟宋饑子罕

貸國人粟自時厥後漢陸續賦饘粥於都亭晉鄭默開倉

庾於東郡魏平原王發私國於河南宋慕容德豐出私廩

於靈州諸凡偉烈生活千室馨傳史冊炳炳麟麟夫居官

者而稍知恤民猶稱盛事况士庶家乎抑又聞之蘇瓊

清河募穀室貸貲富弼知青州勸部民出粟黃香分俸益
官廩而富人出義穀陳堯佐分俸為糜粥而吏人獻私米
蓋庶司守土亦非能家給人賜也有匡其未逮而倉藏不
涸庫藏不匱矣今使郡府州縣各有如汝家者若干數則
天不能災民無轉壑牂羊之歌弗作鴻雁之哀弗興鼓腹
太平豈不懿歟汝勉矣亦無墜先緒可也張生既退爰條
章其語以綴序其事

陳母節孝韓孺人序

席元榜

死天下事易成天下事難此邵子之說也如孺人事益可

觀矣孺人氏韓父諱天錫故邑增生夫氏陳諱其策故邑
庠生當分鏡日年始十八肝腸斷絕搶呼欲死衆解之曰
亡人猶在堂耳棺衾窆次第待舉汝死誰與理耶聞言
遽起忍聲營劇條秩如禮既殯翼日待奠扶柩往履墓所
時墓穴約二丈許孺人忽舉身踴下急繩以起鼻氣如絲
徐久乃甦衆競詰之泣曰吾前此不死者要仍以夫故也
今事已罄吾何生為衆又解曰汝尚有姑在夫死則當代
子汝死其如姑何共扶以歸方未入門衆先使人白其姑
及至孺人抱姑慟姑亦抱孺人慟謂曰婦慎毋然婦徒痛

其夫之死也而從之死願夫已死矣婦復從之死是再死
其夫耳且婦死吾將安歸乎吾老矣不能更娶安人問也
聞言淚懼然止由是如初孝養厥姑喘息呼吸無利那頃
離夜姑就寢則持佛具誦聲礫礫以添壽為姑祝一日方
輟誦噉然而哭姑適覺呼之近前淚猶潸潸承睫問之對
曰吾悲未能孝養深自刻責也其隱實痛姑邁第詭詞對
耳姑曰婦故善事我惜我軀如朝露奈何言畢亦哭孺人
又哭閱久乃已無何姑卒殯復如禮繼乃服雙齊衰冠雙
麻套親拽靈輜卜吉正邱竣事即返嘆曰吾夫沒欲死仍

未者念尚有姑在令姑既背吾復奚待吾近日雖立繼嗣
然有其生母在宜無憂也吾死可矣繼嗣生母者陳其猷
妻有次子曰聖化而孺人近繼為已嗣者也時嗣子七歲
方在旁跪泣曰兒雖有生母然既為母之子矣又復勞生
母乎且生母尚有子亦須撫育兒不如專恃母之靡分愛
也孺人聞言向衆泣曰吾今所謂可死者以事姑既畢而
此子又有生母故願脫塵網耳今此子殊曉事個個可憐
吾能心灰耶扶子以起由是遂任鞠子事其鞠子也斯夕

願復勤靡餘勞獨不專尸積愛屈教讓時即速以就學歸

則伴之背誦有錯落字句及偷度半紙輒進之之皆問筆
燈相繼稍至假寐則以薑葉苦辣其口如是率為常一日
子偶與羣童戲責之泣曰汝漫不自省汝父既沒汝祖妣
又沒吾延喘至此復又以汝故汝若是吾曷如先死之為
愈子拊胸大慟子因感愧益篤於學今已霍霍有聲孺人
孀居近六十年現年七十有六平日弗妄言笑無事足不
出閭里中人咸稱為老婦少女云或曰孺人毀幾滅性頌
死者再固可稱夫死靡它矣余曰否否不然向使忽焉以
沒一瞑弟顧亦幽魂秋草已耳彼姑若子者亦烏所寄托

哉噫是所謂成天下事則難也

陳母檀孺人節孝序

席元榜

今將徒高幽貞之節崇清亮之義則使在秦其築臺必曰
懷清在漢其顯閭必曰行義在唐其探闕必曰節婦里然
而截耳也斷鼻也毀面也剔目也彈陌上桑也題金華壁
也此女子巾箱中語也而君子不以為難夫事亦觀其大
者而已且觀志之所嚮而已按狀孺人禮氏儒士俸其猷
妻甫別鸞日環珥折以毀緘紵分以給問之曰我復奚須
青髮作寸寸剪問之曰我誰為容觀者咸錯愕且前三嘆

息也乃孺人又特異家後院有隙地一圓橫五六丈許直
八九丈許環以墻垣植桐十行葡萄十架灌之溉之日寢
以長桑錢粉枝披葉參差縮錯森敷濃布其下若几若席
次第畢具命曰涼園室前西北隅增築遠房南嚮乃進
墜墜不歸而密不梳風中置炕一圓爐一命曰煖室室之
旁餘馮樹以竹柵養雞數十羣清早車牛膠膠鳴鳴聲
嘈切喧達里巷聞堂之東機一堂之西機及白各一諸凡
雜瑣概如常法有詰之者曰吾有異與涼園為其避暑
也煖室為其禦寒也雞以奉肥甘機以供絲帛礎及白亦

食所需物... 亦概可見矣夫婦人居間闕中縱令美
險一節... 在堂其謹畏者或局促如膝下躬不則
晨夕左忠伺其寢饋承其色笑無筭弗詬評狀已獲稱佳
婦矣而茲乃先惠曲迎動中禮法其他克華婦順又奚論
哉斯所謂先立其大善以志養者也有妹一適郭夫婦偕
逝遠孤曰雖无方五歲挾鞠育之長為受室有鄰女張氏
夫恃方二歲亦鞠育之長為擇配當于歸日豐其粧奩是
又錫類二仁矣夫孺人貞守五十年今年七十有六子二
長聖智撫為己嗣次聖化繼夫弟其策為嗣皆賢孝

蓋以早諭教故也

李母節孝馬孺人序

席元榜

韓文公之悲家難也曰兩世一身形單影隻余嘗讀之其
言絕痛矣今觀孺人則尤痛其孺人馬氏生甫三月即失
恃終日呱呱靡與於菟有外舅家抱之以往鵲骨支柱依
倚為命知是有年比筭總日乃字太學李公鑿壁為繼配
蓋至是已親閱既多矣初孺人之結褵也夫正韶齡男生
材公姑車氏俱在堂先配上官氏有遺子曰茂林其明年
已又舉子曰魁林滿庭聚順繩繩秩秩每當會食相顧歎

然而乃繁花正盛玉骨紛埋越歲二十而夫逝焉又久之
而舅逝焉再久之而姑逝焉更久之而二子逝焉躬齋隻
身經幾年所既哭其夫復哭其舅并哭其姑與二子颯風
怒號江舟發咽所謂習坎入坎是耶非耶方哭二子特故
林遺子一曰桂香年三歲魁林遺子一曰秋香年半歲有
代解者謂此猶抱孫且然以一堂聚首散若幻泡留如展
星蕭然相對固已意思零落別以兩說諸孤一老祖對衰
者難料憐者曷卜上叫閻閻茫茫之天亦復誰能運此念
之所謂尤痛者正職是也然而孺人殊異甚其違事夫子

與連事舅姑婉婉聽從柔色淑聲撫視二子如曾如已出
夏旱冬複韻若畫一人鮮不歎李氏有婦者今且貽厥孫
謀矣夜月機終日俾侍誦兩聲相雜嘗漏下三十刻乃休
而曉然頭玉亦咸知奮厲說者謂二惠競爽固當雲龍駸
駸也孺人現年七十有一飲啖尚健食報行有日耳君子
曰世態悲愉變若春雲彼遺家不造者亦既艱既瘁矣然
天道福善不於爾身自於爾孫子蓋慶之味也漸微之味
也回

修韶山書院序

甘揚聲

韶山書院縣治舊制也閱歲既久老屋支柱日墮月窳四
壁蕭然余到官三載捐廉命生員段東臨宋璟瞻等度材
鳩匠闕者以補圮者以樹不侈不陋凡堂撫門室窗楹几
席耽耽翼翼靡不具備又為增置月廩以佐薪米乃得揖
諸生而進之俾鼓篋肄學於其中余惟古昔三代自邦畿
都邑以迄州黨鄉閭莫不立學王太子王子卿大夫元士
之適子以迄國之俊逸莫不受學學非徒獵弋名譽馳驟
詞章已也其術詩書其習禮樂其道仁義忠信其事君臣
父子夫婦昆弟朋友其業天地古今山川社稷人民事物

諸大用則本其材力智能可副乎家國天下之任蓋凡所以為學之旨大要由此今之學者芟棄根本剽竊浮華泛鶩乎語言文字之末漫尋乎汗漫支離之習是揚子所謂繡其鞶帨管子所謂飛蓬不實也澠邑地居穀澗士風迥古果孰取而歎念歎亦孰從而執違歎抑說者有言韶者羨也歲所為稱韶華也韶者紹也舜紹堯德樂所為作韶節也今書室顏以韶山爾諸生顧名思義得毋劇目怵心撫念韶華而少壯努力乎且

國家承平久矣笙鏞琴瑟之音耳可得而聽焉綴兆干羽
之容目可得而寓焉后讓尹諧之風濟濟乎與為旅進而
旅退焉鳳儀獸蹠之休于于乎與為擊鼓而軒舞焉諸生
勉乎哉

聖天子在上和聲鳴盛幸無老此風雨一緣也

創建財神廟序

甘揚筆

財者生民之大命夏禹謨陳六府兼土與穀商箕疇紀八
政首食與備蓋以養民之原道莫先此是故聖人重之與

稽周禮法制蕃臨而理財者半其生財之法耕以任農樹

以任國財以任工市以任商畜以任牧山澤以任雲衛
泉以任嬪婦是寧委瑣織屑沾沾日用云爾哉凡以開其
財之源而導其財之流也夫天下一人有一人之職一物
有一物之利一人就閒則一職就曠一物就蠹則一物就
廢逸周書曰農不出必乏其食工不出必乏其事商不出
必三寶絕雲不出必材匱少賈誼曰一夫不耕或受之饑
一女不織或受之寒此自然之理必至之符者故帝王在
上而國無捐瘠非能求財以益民惟能使地無遺利而已
非能驅民以取財惟能使民無餘力而已澠邑地踰百里

山地去一石地又去一田僅半之有奇然生齒日益繁植
物日益衆苟使生穀之上盡墾山澤之利盡出游閒之侶
盡著本室處之儔盡食力則人養其生俗安其業衆職具
舉百貨時叙固將畜積漸富而民用大裕且豈僅此已也
民貧則易為非民裕則樂為善樂為善則心性安心性安
則禮節起七月之詩曰朋酒斯饗曰殺羔羊躋彼公堂稱
彼兕觥萬壽無疆言場功既畢奉上而祝壽也載芟之詩
曰有飶其香邦家之光有椒其馨胡考以寧言百穀既登
養老而盡禮也良耜之詩曰其崇如墉其比如櫛以開百

室百室盈止婦子寧止言所積既密室家宜而交相慶也
甫田之詩曰饁彼南畝田峻至喜攘其左右嘗其旨否言
取饋相嘗倫類接而交相洽也夫奉上之情生斯忠愛之
心篤而君臣有義矣養老之情生斯孝敬之念敦而父子
有親矣室家相慶斯康樂和平而夫婦有順矣倫類相洽
斯睦婣任卹而兄弟朋友有序與信矣上古盛世大順大
同盜賊不作外戶不閉力不必其為已貨不必其強已者
獨非由此也歟邑故未有財神廟余特創之蓋謂安民裕
國神於是司歲時用享亦主先嗇而祭司醬饗農郵而祭

坊庸之義也且諄諄示此俾勒豐石以諗邑之務本地著
能生其財用者

修會盟臺序

甘揚聲

澠池舊有會盟臺秦昭王與趙惠文王盟所也當日秦以
趙懷璧故遣使期會蓋實包藏禍心耳時趙臣藺相如者
與廉頗計趣君徑往卒獲險如夷保其身以濟其君斯所
謂勇而有智謀者也顧說者譏之謂趙不宜不予璧既
不予璧即不宜往會既往會即不宜口舌爭此死而無悔
恭虎馮河之所為者夫不宜不予璧近矣而謂不宜往

不宜爭則懦夫腐儒之談也。使秦期會而趙不往矣。在趙又示以弱且怯恐不決旬而師旅見告矣。抑使秦惑會日秦既辱趙而趙咄咄遽退秦必失策玩諸股掌又不轉曉而趙王已授首矣。是固情勢之所易見者也。且夫見可而進知難而退智也可親而不可劫可近而不可迫勇也身為臣子先輔吾君有敵而不能量為無智有敵而不敢禦為無勇相如輔趙君與會秦以鼓瑟強趙相如亦以擊篪強秦秦之羣臣曰請以趙十五城為秦王壽相如亦曰請以秦咸陽為趙王壽折衝樽俎身國俱泰猶得不謂

之智且勇乎顧或又曰當相如強秦王使秦王弗懼卒不
擊饒遠因此兵趙王奈何曰相如已集之熟夫相如曰五
步之內臣請得以頸血濺大王斯時相如已近秦王前左
右即欲加刃其若秦王何且趙王來會日廉頗臨境與訣
亦盛陳師以待兩敵相對秦自不能輕趙趙王既歸國而
秦終弗敢加兵無他勝謀先定壯氣先奪也抑又推之後
世劉項互爭亦勢不相敵者鴻門一宴沛公徑往何繇卒
返不寧惟是孔子大聖人諱必試君于險而夾谷之會齊
疆魯弱齊以萊入劫魯孔子命士兵之遂返汶陽之田而

不為犂彌所料豈不以智勇哉相如雖不敢上擬孔子較
之子房樊噲何多讓焉有智勇則安無智勇則危彼因人
碌碌者又慎無輕與國家事也余因重葺今日盟臺故為序
言如此

跋

曹月川先生遺集跋

孫奇逢

儒之統何昉乎堯舜湯文儒而在上者也孔顏思孟儒而
在下者也治統道統原不容分而為二百分而二之始專
以儒統歸孔子顏曾思孟尚矣周程張朱繼之獨此九人

通也系志

者為傳道之人其餘學術醇粹有宋而後諸儒萃出續有
訓述微分正閏雖深造各有自得而世代未遠羣言未定
天地生民之命何敢以一人輕進退焉余不敏幼而讀書
得良友切劘頗知究心儒業自董江都以至鹿江村得五
十餘人彙成帙標曰理學宗傳復慮其遺也又得胡安定
崔後渠共二十餘人為宗傳考以俟後之君子品隲而次
第之近得靖修先生太極圖通書西銘述解洞徹微密直
窺道之本源豈尋常學人敢望至夜行燭家規語錄錄粹

年譜諸種皆修身明倫保家正俗之要其進修之醇不於

其言而於其行可謂體備用達之學固應序列予宗傳錄
中按先生嘗司教山右之霍蒲四方從遊者幾千人賢者
服其德不肖者服其化陳建通紀曰本朝武功首劉誠意
理學肇曹靖修薛子文清極稱靖修得元公之學篤信好
古距邪閑正文清配享孔廟炳如日星先生之言行竟
散佚無傳余甚惜之然皎月在天片雲難翳明珠在水海
若難私余固知先生之文必出也丁酉秋渾令天弓張君
以有事秋闈視余夏峯予正輯中州人物考以先生居理
學之首天弓曰邑無賢豪地方之羞也有之而不彰守土

者之責也明年搜其遺文八種刻成問弁語於予且述與
大叅雲程崔公興學重儒之意此固先生之靈爽有以啟
之河洛之間斯文丕變此集之出其有賴乎

歲寒堂集